



# Nkwangulatilo wa Nhlangano



**Molteno**





Yi nile, i na nakambe, yi na swinene.

Nhlangano a fanele ku tshama endzeni ka yindlu siku hinkwaro. A nga koti ku ya ehandle a ya tlanga.

Nhlangano u langutisile ehandle hi fasitere.

“Xana mpfula leyi yi ta ze yi yima?” a ti vutisa.





Siku leri landzelaka yi nile nakambe.

A ku ri na minthavela exirhapeni hinkwaxo.

Ninhlikanhi, mpfula yi yimile, na dyambu ri huma.

Nhlangano u vonile nkwangulatilo  
exibakabakeni. A wu xongile swinene!






Nhlangano u yile ehandle a ya tlanga. U ti  
phinile swinene hi ku tlula tlula eminthaveleni!  
Dyambu ri vangamele mati.

Nhlangano u langutile hi le kusuhi swinene  
naswona kwalaya matini a ku ri na  
nkwangulatilo! A wu xongile swinene.







Madyambu yalawo manana u cherile mabobomu ematini ya Nhlangano yo hlamba.

Nhlangano u khomile mabobomu hi voko ra yena, a ma khomela ehenhla la ha ku nga na rivoni.

Kwalaya ka mabobomu a ku ri na nkwangulatilo! A wu xongile swinene.








Siku leri landzelaka a ku ri na dyambu  
naswona a ku hisa.

Manana na Nhlangano va yile elwandle.

Nhlangano u hlengeletile tinhlolo leti a ti ri  
hansi esaveni. Kutani a vona nhlolo leyikulu  
leyi a yi ri na nkwangulatilo endzeni ka yona!

A wu xongile swinene.






Nhlangano u kwarhamile ku va a teka nhlolo.  
Kambe gandlati lerikulu ri tile ivi ri vutla  
nhlolo.

Nhlangano a vonaka a khunguvanyekile.  
Minkwangulatilo hinkwayo leyi a yi kuma a yi  
tshamela ro nyamalala.

“Ndzi lava nkwangulatilo wa mina n’winyi,” a  
anakanya.








Loko Nhlangano a fika ekaya u humesile  
tipende ta yena.

U tekile xiphemu lexikulu xa phepha.

A penda nkwangulatilo na mihlovo ya  
nkombo hinkwayo hi ndlela leyi faneleke:  
tshwuka, xilamula, xitshopana, rihlaza, wasi,  
indigo na vhayolete!







Nhlangano u vekile xifaniso xa yena xa pende ekhumbini ehenhla ka mubedo wa yena.

Sweswi Nhlangano u na nkwangulatilo wa yena n'winyi.

Wu xongile swinene!

